

179.099
32
=1

漢陰縣志

重修漢陰志叙

余甲子春受古金州之漢陰皇輿
記云土瘠民貧爲最下下區噫昔
人云沃土之人不材獨奈何以不
材如我而蒞此瘠地耶雖然親民
之任莫切於令長導

漢陰縣志

序

一

朝廷之澤以被於下求黎庶之瘼以聞
於朝私謂萇爾山城而繭絲保障
之界寧不凜然於是束裝就道踰
固關渡滹沱經華岳歷終南之險
履雲棧之危沐風櫛雨加以長途
霑雨馬蹄蹙蹙意思頓覺無聊比



入境荒涼萬狀更甚於所聞因自
念百里生民之寄敢作秦越人視
哉由是夙夜焦勞廣諮利弊三載
以來民困漸蘇民力漸舒起廢補
墜已次第舉行嗟嗟吏治至今
亦云極難矣恃有

各憲皆實以聖賢之心行聖賢之政
正已率下時時以忠君愛民之道
慇懃誥誡鵠而灾黎余得藉以培
養不可謂非遭逢之幸也今我
皇上審四方之俗觀疆土之宜纂修一

統全志曰亟欽承爲事稽諸原志

自故明崇禎壬午臨城張君重修
距今已四十餘載舊籍散失原板
毀燼人事之代謝戶口之凋殘不
知凡幾昔之人文全盛士大夫宣
猷植節爲銓衡重地者有人伐鼓
建幟爲藝壇雅望者有人邇且奚
爲關南極苦之地近沐

皇仁普育蠲荒免課屢邀曠典顧異量
恩波又豈數數觀耶是以寥寥子
遭劫有起色在昔孔子歎杞宋之

無徵而曰吾志在春秋志固已事
之書實未事之鑑媿余才暗識疎
操刀學割修廢之事實爲廢然所
恃邑之紳若衿廣諮博採群聚增
修積有百日新志於焉告成嗚呼
志書僅簡帙耳使敷政無人不其
起者之功臣也是爲序

開卷躍然掩卷斐然目此書爲夢
境哉雖然按圖索驥不可謂非後
康熙丁卯年壬子月上浣日文林郎
知漢陰縣事三輔趙世震鼓萬

氏撰

世德

人壽

漢除縣志

序

五

序

往丙辰夏余橐筆行間隨圖公四征不
庭次第平復關南悉成寧宇公回念予
書記微勞授予漢陰一毡甫蒞任時但
見學宮鞠爲茂草衙舍頽然數間而是
日之士若民殆不可問曩時之盛與衰
亦無從考詢舊志則板悉燼牘悉散矣

漢陰縣志

序

六

令茲土者方焦心拮据而修輯何遑及
此其間或以飛章免或以讀禮歸或以
代庖數月而去其不得爲之計久遠也
寧惟一志及甲子一元之始襄平

趙公出宰是邑而士民間報輒喜皆以
公世以清白傳家必有大禪此邑也而
予且以爲可必而不可必必視其視事

後而始可知也。比下車初而合境士民相望而愈喜，皆以公英邁明敏，洵大有禪於此邑也。而余又以為不可必而可必，亦必候其歷久而始無疑也。迄今三載有餘矣，政多端，百廢俱興，清操不渝，猶如一日。余知公之始終可喜矣。夫復何疑？卽如余忝司鐸學官，則喜其

煥然聿新，衙舍則喜其肅然宏敞，而子衿則喜其翕然沐化。由此推之，公之次第修葺爲斯邑計，久遠者寧惟一志而志其政成餘事也。閱今日之志，山若爲之增高，川若爲之增秀，物阜民安而風俗若爲之增美。余八載寒毡，不能越職而頌第就余之被澤於芹宮者如此。

儒學訓導朝那白爾珍毓生氏撰



漢陰縣志

序

八

初修漢陰縣志序

邑有志猶家有譜也志爲一邑之典籍譜爲一家之典籍家無譜則上而祖禰遠而高曾俱無所考其潛德幽光流風遺韻子姓雲初何由而知家且然而况於國乎漢陰爲邑江漢效靈鳳山呈秀毓爲人物可考而知者如古之丈人抱

漢陰縣志

序

九

德弗耀而高出世表者固衆第以典籍不存而名實泯於後者亦多矣至今江山如昨風氣日開而又當我朝文明之運教化薰蒸之乂岩穴衡茅之間宜其賢才挺生偉人迭出何寥寥百年中竟乏人何歟昔子謂子賤君子哉若人魯無君子者斯焉取斯詩曰高山仰止景

行行止子曰夏禮吾能言之杞不足徵也又曰文獻不足故也足則吾能徵之矣是知人才之興盛故在山川鍾秀氣運隆盛使文獻不存則後人何以挹幽香企遺躅而興起百世之下乎文獻不存爲風化之所關係者豈細故哉曰留心承輯博訪有年以今日可知可考者

編輯成志用備一邑之典籍其用心亦大矣漢陰古邑也山川如彼其高深歷世如彼其久遠矧時際熙洽而氣運隆矣邑志旣成而典籍備矣爲今之人莫不感動奮發興起善端由友一鄉一國天下之善士而又尚友古人思齊往哲將見忠臣烈士孝子順孫義夫節婦違

事業於當時播聲光於後世皆靡收名
是志者殆不絕書矣然則是志之成有
裨於風化多矣較之家有譜而有所法
於後不亦重且大乎

成化庚子知漢陰縣事益州張大綸撰

重修漢陰志叙

余不穀奉簡書守漢以南竊儀茲土
虞風未鑿召澤未稿搢搢迂叟猶有抱
甕而憇蔽芾之殘蔭也者庶得藉手以
報命暨閱許守興乘再閱張令漢乘
因嘆四塞西南興屬腹心漢屬枝幹腹
王幹不張乎幹萎腹不憊乎調俞跗之

漢陰縣志

序

十一

方矻仄羸醒迷鄰豈異人任且漢治通
蜀楚年來陽侯作崇萑苻肆螫赤子方
嗷嗷待哺而催檄旁午復業未黔突而
箕斂盈閭勦撫未成算而搖鋒者巧肆
雌黃卽龔黃卓魯能鳴琴理解繩治閉
閣撤垣以示無他耶張令邑志之新徵
徒補闕漏訂魚豕踵南史勒一家言其

有苦心乎冀當軸者憐爾子遺原爾拙
政以庶幾晉陽之保障乎余卒業欣然
曰嗟爾令余何以益爾念生平得力惟
拙之一字拙之盟裏自畫粥已然故拙
宰河東晉民孚拙守版曹同朝和拙
督會計軍民戢今仍以拙仗節撫關南
與二三守令從事倘亦諒余拙乎拙者

巧之反也當今之所迂而平旦之所安
神明之所許也張令勉旃以爾拙補守
之拙守令效余拙補余之拙利鈍譽讐
一切不問惟斬上不負國下不負民
中不負所學而成就天地間一大拙闕
南其有濟淳古或可挽哉是義也余志
也壽曄之所不及載郡邑之所不及修

者嗟爾令余曷以益爾
進士第撫治漢興兼管糧餉驛傳分守
關南道汝陽吳愈撰

重修漢陰志叙

余於乙亥年佐淮陽郡丁丑九月署
西華接邸報叨轉漢陰令戊寅春東
就道親友有謂余者傳聞邑已殘破此
行亦何迫耶余曰臣子縮半通綸東西
南北惟所使之况授以百里地值多故
之時畏此簡書乃決意叱馭歷太行之

峻坂濟黃河之洪濤經華岳之名山越
終南之險境羊腸鳥道百折千迴舍陸
登舟備嘗艱阻乃抵關南及蒞任環城
四望公署民房較舊日基址僅存十分
之一瓦礫蓬蒿痛心慘目士民寓山中
者驚魂未復屢足難前及與銓部王公
晤談時卽以耐煩二字相勸慰曾未幾

十日忽報寇從西來余誓以必守王公
復勸慰口城中無人民城頭無墻堞旣
無倉庫錢糧之累又無火藥器械之儲
且此銅章爲國惜身議圖恢復未晚
也強拉余赴山砦中約住月餘以七月
初九日入城亟築內城砌雉堞立四城
樓闢東西二門招集士民各葺舊業人

歷任五年凡創建學宮神祠公署衙門
增城濬池之役皆次第舉居民房舍亦
次第修氣象且一新矣先是詢問志書
焚燬庚辰秋方得之興安劉上舍家屢
欲修刻其如兵荒洊至日不暇給何壬
午春謀之紳士倣舊志而刪潤之徵文
徵賦所費百金贊焉至於恢復苦

衷心血皆枯鬚髮爲白勞怨固所不避
升沉又何足言惟有日夜兢業保固封
疆懽恤士民愈加奮勉上以答朝廷守
土之責下以抒生平效職之忱庶乎遂
此馭初心入城弘願云爾耐煩二字始
之終之比於箚弦每竊嘆曰此王公之
所以謂余矣

崇禎壬午知漢陰縣事趙人張鵬翱書

知縣三韓趙世震重脩

邑貢生汪澤延纂輯

邑貢生常永耀

曾大成

尹任

于典

王鳳朝全校

邑庠生溫上春

六

鄭僑恭

劉參

馬掄英

梁道傳全訂

漢陰縣志目錄

輿地 卷一

星野

疆域

形勝附

沿革

山川

水利

泉洞

池園附

古蹟

風俗

建置

卷二

城池

公署

縣治附

學校

祠祀

村落

岩附

寺觀

田賦

卷三

田土

學屯附

戶口

賦役

驛站附

稅課

武備

漢陰縣志

目錄

十九

災祥

物產

官師

卷四

官師

名宦

人物

卷五

鄉賢

科目

貢監

武附

孝義

節烈

仙釋


藝文

卷六

詩類


文類


西路圖



漢陰縣志

南路圖





漢陰縣志

龍崗

月河

西壇

教場

蠶廟

正堂

對殿

捕廳

漢陰縣

演武場

關帝廟

文廟

縣署

縣丞

縣丞


縣丞

玉帶

鳳凰山

二十三

漢陰縣志



漢陰縣志卷之一

輿地

建置郡縣後分土分民歷代沿革不常河山流峙如昨仰瞻星緯俯奠民居列圖以識槩採說以盡微作輿地以備考焉

星野考春秋元命苞曰東井鬼宿分焉秦史記天官書曰東井與鬼雍州之分前漢地理志曰自井十度至柳三度鶉首之次乃秦之分與後漢律曆志同費直分井十二度至柳五度蔡邕分井十度至

漢陰縣志

卷之一

十四

柳三度謂之鶉首秦之分野屬雍州晉天文志曰自井二十七度至鬼柳鶉火之次秦之分野唐志曰東井與鬼鶉首也歷觀紀載井鬼之分當無疑矣占驗井明太盛多風雨主水井正而明法度正號令明月出東井主雨太白出東井主兵歲星守東井主兵

疆域形勝午龍岡北枕鳳嶺南屏一水抱環五星端

拱而八景列焉廣一百一十里袤四百二十里東

抵興安界六十里西抵石泉界四十五里南抵紫陽

縣界八十里北抵長安界一百二十里東抵鎮安

界一百五十里西南抵西鄉界二百里當驛路之衝

東達鄖襄西通巴蜀不但本省差遣浩繁一因烽火塘撥往來苦累更有不忍言者是在司牧者思患而預防之

沿革禹貢荆雍之交秦楚接境周為庸國地春秋戰

國皆屬楚秦屬漢中郡漢為安陽屬漢中晉為寧都

縣隋書註曰舊為寧都齊置安康縣屬魏興郡後魏置

東梁州後蕭管改直州南齊屬安康郡隋開皇初

郡廢大業初州廢改縣安康屬西城郡唐武德元

漢陰縣志 卷之一 三五

年以縣置西安州並置寧都廣德二年改宣州貞

觀元年州廢屬金州今之興安是也至德二年改

為漢陰縣宋因之紹興初徙治新店元改設巡檢

司至正二年復為縣明洪武三年仍為漢陰縣先

屬漢中府金州嘉靖四十年巡茶梁公奏改縣徑

隸於府萬曆二十三年復改屬興安歷代沿革不

同縣治亦不一舊治在今石泉漢江之南以社溪院

為朝賀地宋皇祐四年沒於漢水邑令甄公劉公相

繼築之紹興初徙治新店今治是也今仍舊治

八景

鳳山叠翠

在縣南若列屏然古木叢森峯巒秀拔四時望之如青螺髻東西綿亘二百餘

里宛然有鳳翔千仞之勢

月水環珠

在縣南環繞縣城形如半月堪與家稱爲玉帶云

卧龍盤護

在縣北長眠三里許形如半月旋繞有情主山之最佳者

古洞朝陽

在卧龍首後長嘯崖下向東有數洞焉峭壁丹色什數仞無能登者日初出紅霞萬丈故名曰朝陽嘉靖年僧人明喜始鑿石級諸洞塑像前結茅樓洞東清泉自崖流出名曰洗心泉名人留題真天然佳景也

鼓臺仙跡

在縣南八十里峯出群山四方如削相傳黃龍杙禪師入定處呂純陽遊此聽

漢陰縣志

卷之一

三

師說法有詩載仙釋顛事見全唐詩話補

鶴觀棋枰

在上樓雲寺之西一里許去播鼓臺三

於此局完各乘鶴飛去遺有石棋枰一片後人遂題曰乘鶴觀

乳峯雙峙

在縣東六十里兩峯突起形若雙乳真天造地設捍門華表爲一方勝祭故乘

軒過此者多留題於此

丹壁孤懸

在縣東三十里名紅崖子壁立道側色如染丹吉水羅念菴先生未第時流覽

於此手書丹崖二字鄉紳郭曰珍與之遊因以爲號至今稱之

山鳳凰

在縣南二十五里南統漢江東西二百餘里中有峯似鳳回名焉

卧龍岡

在縣北蜿蜒如龍萬曆初年居民開墾不惟有害形勝且值霖雨淤泥壅塞據據前

令袁公禁耕李公復止碑於北門下

雲門山 在縣東二十里 兩峯並峙 分水嶺 在縣西

林木叢茂 石門 在縣西北 兩山魚洞嶺 在縣西

馬蝗山 在縣西 龍會嶺 在縣西北 七十里 天生橋

在縣北 五里路 六面山 在縣北 尖山 在縣北

通徑如橋梁然 雞公嘴 在縣北 六十里 瘦驢嶺 在縣北

箭幹山 在縣北 七十里

川漢江 在鳳凰山南 九十月河 在縣西 四十里 發源

里即禹貢沔水 盧峪溝 在縣東 鐵溪溝 在縣東 龍王溝 在縣東南

漢陰縣志 卷之一 三

蒲溪河 在縣東南 苻石河 在縣東南 墩溪河 在縣西

四十里 仙溪河 在縣西南 板峪河 在縣正 以上除漢水外

餘俱出鳳山北入月河

觀音河 在縣西北 沐浴河 在縣西北 青泥河 在縣正

鐘河 在縣正北 池龍溝 在縣東 添水河 在縣東北

田禾溝 在縣東北 雙乳河 在縣東北 以上發源北

山皆南入月河

沙河 在縣西北 六十里 出石大漲河 在縣南 一百

水利月河堰 水豐堰 坎溪堰 山溪堰 沐浴

堰 觀音堰 池龍堰 盧峪堰 鐵溪堰

鳳亭堰 磨盤堰 清溪堰 花石堰 田子堰

雙乳堰 鐘河堰 大漲堰

泉 甘泉 在城隍廟前 神泉 在關王廟前

在縣東六十里 暑一 碗泉 在鳳凰山南穴子岩

黃龍洞 在縣南八十里 黃龍洞 在縣北一百里

在縣東北一百里 二洞深遂 南陽洞 在蒲溪

玉皇洞 在紅崖 千佛洞 在高 湘子洞 在蒲溪

園池 桑棗園 在縣東 鳳凰池 在縣南 仙女池 在鳳山頂

漢陰縣志 卷之一 天

天池 在漢 蓮花池 在縣東雲門舖

百蹟 漢王城 在鳳凰山南 漢水北岸 週圍三里許 蓮高

城墻嶺 在漢江 南五十 插鼓臺 在縣南八十里

煉丹崖 在插鼓臺 傍離縣八 灌臺 在城東北

子貢停車之地 大懸岩 在城東南十三里 高

風俗 民皆朴實 節儉 勤於農 不作商賈 衣服布素

年 既皆新婦 非禮不見 伯氏於翁婦 禮問不

出 婦子 承皆以字 冠以二十 為

天 是家 禮民 為

七期百日三週俱舉奠盡哀

元旦五更新潔衣冠拜天地祖先焚香楮子孫盡
以次拜賀然後親識遞相酬拜

元宵家戶張燈火放花炮扮儼相角簫鼓滿城名
曰闌元宵各途燈於祖先墓前

十六日長幼步郊尋野謂之遊百病

清明日設牲醴詣墳祭奠添土掛紙名曰拜掃
端午日晨起採艾懸門畢置雄黃酒彼此邀飲

六月六日五更滌甕取水以造麩合醬至午晒衣

漢陰縣志

卷之一


十九

七月七夕婦女設牛郎織女香案具祭品禮拜名
曰乞巧

中元日人設酒餼祭奠祖先 中秋夜置菓餅邀
飲名曰賞月

重陽日蒸糕餽遺登高飲酒 十月朔暮祭祖先
焚紙於門外名曰送寒衣 冬至日士大夫朝賀
畢謁官師彼此相拜民間不行 臘八日以米令
肉煮粥相餽 二十四日祭竈除日貼門神桃符
設天地祖先位陳列祭品焚香燒紙畢士大夫家

獨行辭歲禮置酒餽家人享之夜半不寐謂之守
歲要之五方風氣不同各有懿則大抵承平之日
四民稠密五穀豐登所謂國奢尤宜示之以儉自
荒殘以來民無完字節省多端至根本之地反涉
偷薄導而協之於中以永善俗是在司教者與鄉
賢達之責也



雲縣志卷之二

建置

國家建郡邑分土分民倣周官之遺爲藩屏之計故衛以城池列以房舍聚以士農商賈保障一方惟賢有司是賴但值兵燹之後興廢維艱加意綢繆其相繼守土者之任哉

城池成化元年典史徐鐸始築墻建門東西三百八十步南北一百五十步二十三年知縣張大綸始置四門樓弘治九年知縣唐希介拓其地周圍四

澤陰縣志

卷之三

三

里正德七年知縣丁詢築高二丈厚一丈八尺砌以磚石嘉靖十四年知縣李時夢題其門東曰迎暉西曰承恩南曰南薰北曰拱宸池濶一丈深半之萬曆十二年知縣袁一翰重修萬曆四十六年知縣張啓蒙拓開馬道豎立橋梁崇禎十四年知縣張鵬鞞較舊治增高濬深堪以保障又培築裏城六百四十餘丈下栽柳樹一千二百餘株又重建四門樓各三間守城窩房五十間土築外城四圍共六百四十丈東西復築羅城墜柵欄兩題曰

重關保障又建東北角樓一間西北角樓一間可備禦敵因歷年久俱崩頽毀爛西南水衝一角康熙二十五年知縣趙世震捐資脩築磚城俱竣

公署縣治正堂三間 二堂三間 後堂三間知縣

趙世震修改大門三間趙世震修改二門三間 庫

房二間 寅賓館三間廢土地祠一間 吏書房

十八間 倉房五間廢糧房二間廢典史宅三間

贊政廳三間

察院在縣治西南正堂三間 後堂三間 關南

漢陰縣志 卷之二

三

道署地在察院西槐棘館地在察院東陰陽醫學地在縣西僧會

司 旌善亭申明亭地在縣大門外總舖地在縣東養濟院地在

東城外教場西關外

學校儒學在文廟東洪武五年訓導鄭守方創建永樂五

年教諭梁萼重修堂三間成化三年西鄉縣典史

柴嵩創建兩齋東曰博文西曰約禮各三間萬曆

十二年知縣張十翰創建儀門一間角門二間二

十七年知縣周之光重修明倫堂舊在文廟後兩齋東

拓為崇禎十年流寇屠焚止留明倫堂五間

朝順治五年知縣楊六德移明倫堂於文廟東至

康熙二十六年朽爛將傾知縣趙世震重修

祠祀

文廟

在儒學西

成化十年知縣劉明創建弘治年知縣張

大綸增修嘉靖年巡茶公盛汝謙發茶法銀重修

萬曆年知縣袁一翰重修正殿兩廡戟門外鑿泮

池建石橋三洞崇禎年被賊焚毀止留 文廟戟

門櫺星門十二年知縣張鵬翽重建兩廡六間廢

金十哲神龕順治五年楊六德改修正殿榱桷稍

漢陰縣志

卷之二

三

易規模反不如昔年久風雨將不蔽焉康熙二十

六年知縣趙世震捐修棟宇補葺宮墻廟貌煥然

聿新矣又奉

勅頒

御製聖讚曰萬世師表懸大牌於額其崇文重道之

盛典乎

啟聖祠

舊在文廟東後移文廟後

名宦祠

在戟門左 鄉賢

祠在戟門右 省牲房

更衣亭

文昌宮

萬曆年知縣張啓蒙改建於學官前

魁星樓

在南城北對文昌宮 際

敬一亭

在敬一亭後

在敬一亭後

也公山西陽城人撫治鄖陽招集流移成化十五年知縣駱聰叔建祠于京門外春秋上戊祭今祠廢祭存

城隍廟在縣治東創建後焚張鳴朝復建關帝廟在縣治東永樂年知

縣王凱建萬曆年加封帝號知八蜡廟萬曆年知

縣張啓蒙張鵬朝相繼增脩建春秋上社稷壇在縣西門外山川壇在縣城

秋上邑厲壇在縣北門外三月清明鄉厲壇二

一在縣東三十五里漏澤園二一在縣東二里

一在縣西十五里崇禎十四年知縣張鵬朝發價三十兩買地十五

處為窮民葬所坐落不一各立石地傍以垂永久

冉家墳曾三石園子惠自螞蝗灘常永木子河武寧

漢陰縣志 卷之二

三

漩窩藍芝春樹堦賀平溪溝牟備漢陽坪潘起

黃家坪黃允丫角漩吳樟鐘家店吳迺漂草溝李

連小觀子曾士虎溪河李光下冉家壩徐登選陳

村落里則舊轄八里曰在廓梁門大澤興仁鳳亭漢

東漢西龍泉永樂中消耗戒為在廓一里景泰三

年增新安為二里成化十二年都御史原公傑招

補共十里弘治五年增歸厚一里為十一里十五

年增鳳凰里為十二里正德七年仍減為十里嘉

靖元年又減為七里在廓新安新樂懷寧安仁廣

惠長泰萬曆十年減廣惠里復為六里崇禎十二年又減安仁長泰止四里今仍舊

舖則雲門舖在縣東二十里澗池舖二十里蒲溪舖四十里雙乳

舖六十里平梁舖在縣西十五里高粱舖二十五里石峪舖四十里

梨園河四十里峽峪河在縣南二十里堰坪七十里漢陽坪二百二十里

猪頭山一百五十里觀音河在縣北四十里青泥河五十里橋路

溝六十里

堡二處一在縣東雙乳一在縣西分水嶺煙墩二十五處正德六年總督彭公

命於山之高阜處立墩舉火以防不虞

漢陰縣志

卷之二

三五

若則水豐若在縣南七里雙峯若在縣東南十三里鐵溪若在縣東南

十五里興隆若在縣東南二十五里汪家若在縣東南四十里磐石

若在縣東南五十里高粱若在縣西南三十里觀音若在縣西北十里

孤山若在縣北三十里柳林若在縣西北二十里鐘河若在縣西北五十里

鷄公嘴若在縣北六十里王家若在縣西北七十里

寺觀龍興寺在城內東北隅恭遇

壽聖節官員於此中習儀按寺舊在東北龍岡下漢高王漢中時建焉鑄鐘一口重近萬斤每擊

聲聞半里有栢一株高百餘尺大四圍邑庠蔡鳳題云誰云材大難為用階棟終教佐廟廊後

果為明世宗採用

真武宮 在龍岡首 牛山廟 在西門外 水府廟 在月河東岸 觀音

堂 在西關 白衣庵 在月河南岸 三官殿 在西關外 東嶽廟 在

城 觀音殿 在南城外 藥王殿 在東五里 聖母殿 在西

漢昭烈廟 在縣西十里 青山寺 在西十里 重雲寺 在西

廻龍寺 在東南六里 三官殿 在東八里 菩薩殿 在東十里 樓雲寺

在東南二里 勝水寺 在東南四里 吉祥寺 在東六里

塵寺 在鳳凰山頂 鳳凰寺 在百里 靈寶寺 在百里 依心

寺 在南山五里 靈山寺 在南山六里 金華寺 在南山七里 蓮花寺

在南山一百里 石馬寺 在北四里 石佛寺 在北六里 三清觀

在東北四十里 乘鶴觀 在東南三十里 老君觀 在南山六

豐都殿 在縣東北十里

漢陰縣志卷之三

田賦

書曰咸則三壤成賦中邦所以辨土之肥瘠而輕重賦之也漢陰南北兩山俱屬亂石陡坡並無平土旱則易乾澇則易崩自古及今不見有全熟時原不可丈以畝計而以種計之也卽當日冊報時概以頃畝名者亦約畧云爾況荒殘之後數十里中總無人煙虎蹄狼跡交於蒲山鹿徑豕窩遍於深谷此邑所以多荒賦也上下七舖亦間有沃壤

漢陰縣志

卷之三

三

大半又屬軍屯賦稅另有款項昔統於所今歸於縣而民屯兩項並列於書總之邑易以受病者舟車不通豐則賤而無所去歉則貴而無所來是以貢賦多有不給輕重緩急之間持籌者宜加意焉

四土原額

平地山峽沙石不等

其概折壹等地壹百叁拾伍頃

肆拾柒畝叁分陸釐柒毫伍絲捌忽壹微陸纖陸

塵貳沙

每畝科糧陸升壹合叁勺玖抄伍撮壹圭伍粟貳粒

康熙二十二年奉

旨撥充撥構逃亡無主折正壹等荒地陸拾陸頃玖拾

九畝叁分陸釐柒毫肆絲是年隨報新墾折正壹

等地柒頃叁拾陸畝貳分陸釐玖毫捌絲陸忽肆
微又報貳拾年分墾地壹畝玖分伍釐肆毫伍絲
陸忽外實荒地伍拾玖頃伍拾伍畝壹分捌釐叁
毫肆絲壹忽陸微

現熟地柒拾伍頃玖拾貳畝貳分壹釐玖毫陸絲
伍微陸纖陸塵貳渺科糧俱同舊則

學田原額共壹百貳拾叁畝壹釐玖毫貳絲捌忽提
學沈公季文萬曆時置田叁處 磨盤堰田壹拾捌

畝陸分陸釐原糧陸斗壹升墩溪堰田陸畝伍釐肆毫肆
洪陰縣志 卷之三 三

絲原糧貳斗陸合雲門舖傳家溝田伍畝捌分叁釐捌毫
原糧壹斗玖升

提學臧公爾勸萬曆時置田五處 青山寺田壹拾
貳畝陸分原糧肆斗壹升白家村田壹拾畝貳分原糧叁斗柒升

仙溪堰田玖畝原糧貳斗柒升鳳亭堰田壹拾肆畝柒分
原糧肆斗參升柒合小龍王溝田捌畝陸分原糧貳斗陸升壹合巡道

郭公元柱萬曆時置田貳處 教場壩田叁段共捌
畝壹分捌釐柒毫捌絲捌忽 仙溪河田叁段共

壹拾貳畝壹分柒釐玖毫旱地壹段長貳拾伍寸

濶壹拾壹丈伍尺貳處其糧伍斗伍升捌合

巡道余公自強萬曆時置田壹處雲門舖伍家巖田

壹拾柒畝原糧伍斗壹升其田荒熟畝數與糧賦徵除銀數俱在民地民糧內矣

按學田之設匪徒罔貧原欲養育人才為異日用

若漫無稽查是為他人置恒產耳是在所司者善

為招佃稽查收支庶不負前人作養士顛之笑意

云

屯田地明屬軍所今併屬縣其原額陸拾陸頃捌分玖

毫內除荒併水衝地玖頃壹拾陸畝叁分叁釐玖

續陰縣志 卷之三

三九

毫現熟地伍拾陸頃捌拾肆畝肆分柒釐

戶口原額戶捌百叁門玖則共折下下丁口捌千柒

百玖拾有貳每丁徵銀叁錢順治柒捌兩年奉

旨豁免絕逃丁口柒千壹百叁拾陸再除優免丁口叁

百叁拾肆免銀壹百兩貳錢節次編審續增丁口壹千壹

拾肆至康熙拾肆年遭吳逆之變殺擄逃亡者又

近半矣貳拾叁年又奉

旨豁免絕逃丁口捌百壹拾陸是年新招回丁口捌拾

貳併貳拾伍年編審新入丁口肆又停免丁口壹

百叁拾柒其現行差丁口壹千柒百肆拾叁丁

原額屯丁叁則柒拾柒丁康熙貳拾叁年編審入

丁口叁其捌拾丁內除優免丁貳免銀叁錢又除逃絕

丁壹拾捌丁免銀叁兩捌錢伍分現行差丁口陸拾丁

賦役徵於地者為糧原額捌百叁拾壹石壹斗陸升

貳合肆抄陸撮捌圭陸粟柒粒舊例每石徵銀貳兩壹錢肆分伍釐

壹毫伍絲柒忽壹微壹纖新例每畝徵銀壹錢叁

分壹釐陸毫壹絲壹微伍纖壹塵叁渺貳漠又每

畝徵均徭銀壹錢伍分貳釐柒毫貳拾叁年奉

旨豁免前項無主荒絕地糧肆百壹拾石玖斗肆升是

漢陰縣志 卷之三

年隨報新墾糧肆拾伍石貳斗叁合叁勺玖抄捌

撮貳圭柒粟肆粒又報貳拾年分墾過地糧壹肆

貳升伍圭捌粒外實荒糧叁百陸拾伍石陸斗壹

升陸合陸勺壹撮貳圭壹粟捌粒

現熟糧肆百陸拾伍石伍斗肆升伍合肆勺肆抄

伍撮柒圭貳粟壹粒

原額地畝銀壹千柒百捌拾貳兩玖錢柒分柒釐

叁毫伍絲伍忽伍微玖纖肆塵陸渺內奉

旨除過前項荒絕糧該免銀捌百捌拾壹兩伍錢叁分

捌毫陸絲貳忽柒微捌織叁塵肆渺貳次隨報新
墾銀玖拾柒兩貳錢貳分伍釐捌毫壹絲壹忽壹
微肆織陸塵伍渺

現徵熟地貳銀共玖百玖拾捌兩陸錢柒分貳釐
叁毫叁忽玖微伍織柒塵柒渺

原額均徭銀貳千陸拾玖兩叁錢柒分叁釐陸毫
貳絲貳忽捌微玖織貳塵柒渺內奉

旨豁免前項荒絕銀壹千貳拾叁兩伍分玖釐叁毫柒
絲伍忽肆微陸織貳次隨報新墾均徭銀壹百壹

漢陰縣志 卷之三

聖

拾貳兩捌錢叁分伍釐貳毫柒絲伍忽叁微肆塵
捌渺又停免均徭銀壹百壹拾伍兩伍分柒釐貳
毫壹絲伍忽壹微柒織伍塵

現徵均徭銀共壹千貳百柒拾肆兩貳錢陸釐柒
毫叁絲柒忽玖微伍織陸塵

內有停免均徭銀壹百壹拾伍兩伍分柒釐
釐零係丁銀頂補不在糧內科派遇閏總加銀壹
百捌兩伍錢柒分玖釐叁毫貳絲玖忽捌塵肆漢
徵於民丁者為銀除優免丁外原額丁銀貳千伍

百叁拾柒兩肆錢順治柒捌兩年奉

旨豁免逃絕丁銀貳千壹百肆拾兩捌錢康熙貳拾叁

年又奉

如免殺擄逃亡丁銀貳百肆拾肆兩捌錢是年隨報
招回丁銀貳拾肆兩陸錢又停免丁銀肆拾壹兩
壹錢並節次審編先後續增丁銀其該現徵丁銀
伍百貳拾貳兩玖錢

徵於屯地者爲糧原額伍百玖拾柒石叁升玖合
玖勺貳抄玖撮內除荒糧柒拾柒石伍斗陸升叁
合壹勺壹抄叁撮

現熟糧伍百壹拾玖石肆斗柒升陸合捌勺壹抄
漢陰縣志 卷之三 三

陸概內徵本色糧貳百伍拾捌石壹斗叁升伍合
叁勺壹抄玖撮每石折徵米伍斗其徵米壹百貳
拾玖石陸升柒合陸勺伍抄玖撮伍圭徵折色糧
貳百陸拾壹石叁斗肆升壹合肆勺玖抄柒撮每
石折徵銀伍錢伍分其徵銀壹百肆拾叁兩柒錢
叁分柒釐捌毫貳絲叁忽叁微伍纖

徵於屯丁者爲銀原額銀壹拾陸兩內除優免丁
銀叁錢又除逃亡丁銀叁兩捌錢伍分現行差丁
銀並貳拾叁年新入丁銀伍錢其丁銀壹拾貳兩

叁錢伍分

通計民屯實在丁口並停免丁共立千捌百叁丁
共徵丁銀伍百叁拾伍兩貳錢伍分

通計民屯實在熟地壹百叁拾貳頃柒拾陸畝陸

分肆釐玖毫陸絲伍微陸纖陸塵貳渺其實徵額

內地畝均徭折色叁項共銀貳千肆百壹拾陸兩

陸錢壹分陸釐捌毫陸絲伍忽貳微陸纖叁塵柒

渺

額外照糧分派祿米原數共壹百柒拾肆石捌肆

漢陰縣志

卷之三

三

貳升捌合柒勺貳抄肆撮伍圭柒粟陸粒內康熙

貳拾叁年奉

旨豁免荒絕無徵米捌拾陸石肆斗叁升柒合肆勺陸

抄捌撮捌圭玖粟玖粒是年貳次隨報新墾糧費

共玖石伍斗叁升叁合叁勺陸抄壹撮陸圭伍粟

肆粒現徵運米玖拾柒石玖斗貳升肆合陸勺壹

抄柒粒叁圭叁粟壹粒

此項增自明末供運漢中備漕沿為長例

是民丁糧實徵銀壹千貳百肆拾陸兩柒分

陸錢伍分

迎屯丁糧實徵銀壹百伍拾肆兩捌分柒釐
毫貳絲叁忽叁微伍纖

存留民糧實徵銀壹千伍百肆拾玖兩柒錢叁毫

陸絲玖忽捌微肆纖玖塵柒渺

以給本縣站支經費雜支等項

驛站原額驛馬肆拾匹每年共支銀壹千叁拾捌兩玖錢柒分叁釐叁毫叁絲叁忽叁微叁纖叁塵叁渺內貳次奉裁馬壹拾陸匹又奉

題免荒銀外現有馬貳拾肆匹草料銀叁百陸拾

陸兩外又修補等銀陸兩貳錢貳釐柒毫伍忽叁

漢陰縣志

卷之三

四

微叁纖肆塵捌渺捌漠

原馬夫貳拾肆名每年支銀貳百伍拾玖兩貳錢

內貳次奉裁馬夫拾名又奉

題免荒銀外現留馬夫拾肆名工食銀壹百伍拾

壹兩貳錢

原額損轎夫叁拾肆名每年支銀叁百陸兩內貳

次奉裁夫壹拾叁名又奉

題免荒銀外現留夫貳拾壹名工食銀柒拾玖兩

陸錢柒分捌釐玖毫壹絲壹忽陸微

稅課地稅銀貳拾捌兩

茶課銀伍拾兩玖錢壹分

舊附里長經催

課程銀壹拾兩叁錢叁分

比項由

牙帖稅銀柒兩

牲畜稅銀壹拾柒兩柒分陸釐

武備夫有備無患自古記之邑置萬山之屬又係大道之衝上通漢蜀下達荆襄明夫流寇往來絡繹不絕鄰封陷沒獨邑鄉官王應泰區畫調停令村落各結寨以自衛城中設武備鼓義勇守禦有方

洪陰縣志

卷之三

軍

是以丙子歲流賊數萬晝夜攻圍並無援兵閱三月餘而全城無恙者皆王公之力也今當全盛舊日武備又遭兵逆掠毀似可不載但安不忘危不可一日不為封疆計志之以告繼守贖牧

災宋皇祐四年漢江水溢縣署漂沒

攷舊治在漢江之南

嘉靖二十五年五月河水泛漲衝李公堤無幾西關房舍稻田半為沙淤萬曆十七年地震三十三年七月初五雨雹大如鷄卵傷稼西郊補種所屬

三十四十三年流賊攻掠鄉村出沒無常為地

患崇禎七年流賊二十餘萬焚掠地方漢羌遊擊
唐通三發奇兵勝之患息八年夏秋蝗蝻有黑頭
紅身者有紅頭黑身者飛蔽天日落遍郊原食稻
粒禾葉始盡九年四月賊首闖王烏合五萬餘圍
城數重百計力攻閱三月餘厥後東北角築益敵
樓高四丈環十六丈俯瞰城中岌岌將危後用油
火破之賊走是歲夏麥被賊盡掠秋禾未布民沒
于鋒鏑飢饉疫癘者十分之五十年閏四月十六
夜半流賊約有二千餘返襲縣城焚毀者十之九

殺傷者五分之一十一年夏大旱十四年夏大旱
禾苗盡枯順治丁亥大飢斗米索錢甲午年五月
地震八月雨雹大如鵝卵平地深一尺

穀禾惟月
河墩漢永

豐三堰所
傷尤甚

康熙乙卯吳賊盤踞焚掠俱空十八年

夏大旱三月秋霪雨三月禾苗盡傷民遭大飢城
垣盡頽河水泛濫衝崩西南城角數丈損壞近城
民屋數家二十三年夏大旱至秋分方雨飢饉異
常

夫水旱盜賊之變何代無之但漂邑陷城則爲變

大矣思思豫防則高增城堞環築河堤倣先制而保障是急斯恐懼修省之實也

祥明弘治三年雲門廟左有池忽生蓮仲夏盛開是年流賊不入境四年縣堂中柱產靈芝二株知縣

張大綸有詩

物產穀則麥 稻 粱 稷 黍 粟 蕎 豆

稔 芝 蔴

蔬則芥 芹 瓜 瓠 葱 蒜 韭 茄 蕪

笋 木耳 蕪筍 蒿 苣 椿芽 芫荽

漢陰縣志

卷之三

里

果則桃 杏 李 梨 柿 棗 栗 石榴

白菓 櫻桃 林檎 核桃 柑 橘

貨則茶 椒 紙 漆 棉 蜜 蠟 茜

麝香

木則松 栢 椿 楸 榆 桑 柳 槐

構 桐

竹則筋竹 斑竹 紫竹 水竹

藥則防已 常山 遠志 白芨 桔梗 柴胡

降香 芍藥 丹皮 厚朴 黃柏 杜仲

細辛 蒼朮 防風 茯苓 川芎 薄荷

荆芥 枳實 茱萸 五加皮 車前子 乳香

益母草 薏苡仁 石菖蒲 麥門冬 天花粉

花則杜 蓮 蒲 萱 牡丹 芍藥 木槿

紫葳 鷄冠 玉簪 梔子 石竹 海棠

月季 玫瑰 芭蕉

禽則鷄 鵝 鴨 雀 鷹 鳩 鴉 鴉

鵲 燕 雁 鴝鵒 黃鸝 鷓鴣 紅鶴

鷓鴣 野鷄 杜鵑

漢陰縣志

卷之三

哭

獸則虎 豹 熊 豕 鹿 麀 豺 狼 狐

兔 猿 猴 牛 羊 猪 犬

鱗介則鯉 鯽 鱸 鱖 鱉 鱉 鱉 鱉 蛇

蠶

漢陰縣志卷之四

官師

令之親民尚矣一言之祥兆姓蒙福一念之側聞左茹荼此未可與褊心淺慮道也

朝廷重其任贊以僚幕輔以廣文蓋居然有百里之寄焉使按册而論其世攷其人惟民有口防甚於川其誰得而誣之詩曰民之父母書曰同寅協恭各盡厥職其希治理庶無負建官置吏宣化承流之意乎

漢陰縣志 卷之四

知縣 周曰縣正亦曰大夫秦漢以下曰令元置達魯花赤縣尹各一員明曰知縣今因之

東漢毛義 廬江人以行誼稱於鄉黨南陽張奉慕安陽令義捧檄而入喜動顏色奉心賤之辭去後

義毋死徵辟皆不受奉聞之嘆曰賢者固不可測往日之喜乃為

唐李康 僖宗廣明元年車駕至興親也入名宦祠 元道中無供饌康以驟負糗糧數百獻之從行者始得

宋甄履 由進士自歷食勤王著績宜入名宦祠 漢陰皇佑四年六月九日漢水大溢邑署漂沒乃

請于府而遷邑署于尉廳東方興築工未竣奉文攝西城是年十一月遂改西城令至和元年冬劉

公宰邑再請畢工而城始完明年春因筆於社溪行香院石記之後載歲月碑在石泉西寺因掘地

得之乃知漢陰舊治之所在而甄公劉公皆有功于邑明劉亨 山東黃縣人國子生任監察御史永

治也 樂五年改漢陰令歷任九年政不苛

若子 撫民 王凱 未樂八年任 董衡 未樂十年任 陳輔 天順八年任

劉明 四川灌縣人 成化七年任 駱聰 河南夏邑人 成化十四年任 張大綸 四川

成都人 由舉人 成化由子典試山西 轉漢陰令 時縣制未脩 公崇廣學 舍增修 公署 疏月河 開渠 堰

創縣志 邑務一新 且剔蠹 旌善 維風 範俗 而愛民 好士之誠 祭于詩文者 尤可 概見 蓋不愧于古之

循良矣 陞唐希介 山西陽曲縣人 由進士 選翰林 徽州知州 廉吉 授工科 給事 弘治八年 改

漢陰令 展城池 興學校 厚風俗 郭亨 山西榆次人 民戴其德 官至按察司副使 由監生任

謝文昌 四川巴縣人 牛通 山東單縣人 由監生任

白鑪 山西陽城人 正德三年 令持身 廉丁 珣 山西大 監生任 正德四年 時值 流賊 猖獗 人心 危懼 公身

任其勞 築城 鑿池 措置 軍械 屢為 捍禦 之法 民乃 漢陰縣志 卷之四 二

保全 吳安岳 四川內江人 李燦 四川瀘州人 李林 河南

舉人任 劉洋 吳縣人 由 何士 河南信陽人 李時 郊縣人 由 舉人任

秀 山西孟縣人 由舉人 修城 築堤 志切 為民 暇則 以文 試士 接其 尤者 厚禮 之調 繁興 平人 多念 之

王瓚 鳳陽府人 周霖 四川琪縣人 楊維藩 雲南徵 由監生任

由舉人 許仝 河南靈寶人 由監生 孫輔 山西石州人 人任 遷 順德 府通判

羅元 四川南充人 方鯨 河南南 徐世恭 雲南 由舉人任

由舉人 李君仁 山東東昌府濮 高昂 四川松潘人 由 監生任

劉一惇 四川榮 俞鯤 雲南 石侶 四川閬中 人 由監生任

蘇洲 山西偏頭關 文簡 湖廣 傅作舟 湖廣 人 由監生任

祁正虹 安州人由教諭轉漢陰令 張承瓚 遼東人 吳佳胤 由思唐任

孫治 良鄉人 黃琦 合肥人

趙世震 遼東人現任其政治例不自書

主簿明張文 浙川縣人由吏員任 賈端 安邑縣人由監生任 沈忠 曹州人由吏員任

閻綱 大寧縣人由監生任 崔經 忠留縣人由監生任 索紀 武陟縣人由吏員任

岳浩 閩中人 劉壁 簡州人 白應舉 陽城縣人 余學遠 辰溪縣人由監生任

高塋 長子縣人由恩貢任 廖文英 閩中縣人由監生任 劉珠 深州人由監生任

馬克儉 曲沃縣人由吏員任 武龍 太原府人由監生任 學鎮 宜府人由監生任

張子岐 曲沃縣人由監生任 馬潭 安州人由監生任 周邦憲 安義縣人由監生任

漢陰縣志 卷之四

生蘇守崙 餘姚縣人 洪一元 繁昌縣人 張良器 江西餘干縣人 張良

能 寧陵縣人由監生任 胡廷獻 上元縣人 黎元哲 貴州人 宋善煥 徽縣人

閻三德 支安縣人 項有能 天台縣人 盧仕俊 瓊山縣人 林斯茂 餘姚縣人

國朝葛三才

典史明徐鐸 成化元年鄭瑛成化五年朱麟夏澄

巴縣羅嚮 綿竹縣人 李順 廣平府人 董正邦 富順縣人 趙珩 平原縣人

楊本全 宜賓縣人 尹嘉謨 四川人 郭昭陽 遂寧縣人 蒲汝彬 嘉州人

教信 江陵縣人 熊拱 仁壽縣人 劉廷浩 大同縣人 劉恩 內江縣人

陳金寶 萬縣人 啓誠 當塗縣人 余

鄂都 周允京 棗陽縣人 杜渭 寶實縣人 李守禎 臨縣人 杜天瑞

仁壽縣人 何子達 西充縣人 黃文顯 景陵縣人 曾守 麻城縣人 官應聘

威遠縣人 馬元圖 標陽縣人 潘應順 餘姚縣人 官應桂 威遠縣人 陸應

兆 安寧縣人 劉祖教 濟源縣人 楊春照 孝感縣人 曾可縉 永州府人

潘燠 山陰縣人 于省然 懷慶府人 樊君相 孝義縣人 李如杞 靈石縣人

周命新 餘姚縣人 宋棟 汾陽縣人 婁思忠 通州人

朝李縱 玉貴州人 何章 紹興人 王達 北直人 賞延 紹興人 萬鵬

程 北直人 王廷繡 北平人

教諭明梁 蔣 江西臨川縣人 由歲貢博學鉅儒作五經題等書有直趣與詩文並行于世

明宣廟大學士楊士奇薦赴史館纂修成祖仁宗實錄居史館五年轉教授齊倫李華咸出其門

邵瑾 山西人 徐信 四川中衛人 劉闢 閩中人 余志立 四川樂至縣人

勤于教誨 余俊 大昌縣人 張志寧 直隸定州人 由歲貢諸生慕之 任克修 孝行敦禮 問

能舉者以義助之 古君子不是過焉 張倫 南陽縣人

鄭良貴 成都人 牛杲 寶豐縣人 郭朝用 成都人 張崇業 陝州人

江瑞 鄆縣人 尹就湯 閩鄉人 李拱 儀隴人 黎一正 長壽縣人

歐梅 廣安州人 王博 重慶府人 梁模 夔州府人 張缺 河陰縣人

楊正心 四川人 胡叔鶴 咸寧縣人 計之遠 岳池縣人 劉學

孟 咸陽縣人 由舉人任 精勤 羅國秀 峨眉縣人 任惠 四川南

山舉人任李挺長安縣人張我三水縣人張察蠡縣人趙楷堂邑縣人

梁來儀岐山縣人郝汝楠榆林人栢可用沔縣人秦棟文縣人

傅倫南鄭縣人孫禎靈州人趙國禎貴州赤水人周九成

商州人孟宗孔階州人崇禎八年城陷死節奉旨贈國子監助教入名宦鄉賢祠

國朝任名著商州人宋宗郊耀州人長厚樸薛侯薛侯三原人

劉唐璟涇陽人持躬儉素導士功勤

訓導明鄭守方洪武五年彭昇梁山縣人范倫正四川巴縣人

王伯宣四川溫江縣人陳策遂寧縣人王廷臣四川閬中人江藻四川

富順縣人李英四川簡州人張翼鵬四川眉州人博學善教士樂依歸遷咸寧論士

漢陰縣志卷之四

有遺魯冠四川彭縣人王勸四川彰明縣人趙時敏湖廣房縣人

周鳳四川茂州人郭豸湖廣宜城人張心傳四川漢州人王桀四川

綿州人劉嘉文四川南都縣人蕭音四川榮昌縣人汪貞吉河南彰德衛人

孫承祖同州人王曰然府谷縣人郭光裕徽州人李宸東四川

綿州人段行可畧陽人井九仞米脂人喬瑀同州人劉祖謙

綏德人周希旦商州人

國朝賀海壽兩當人白爾珍平京府固原人

夫一邑之內政教攸關令以治之師以範之尉以贊之皆分猷而樹軌者也故姓氏列焉爵里表焉

揚芬述穢而勅戒參焉清議難掩直道尚存顧名思義者念之

名宦漢令毛義

史稱其行誼之高孝思之篤

唐李康

值黃巢亂信宗出幸興元運

釋著勤王之義事見前令下

明劉亨

唐希介

丁珣

袁一

翰

萬曆時

李字

萬曆時

張啓蒙

萬曆時以上事見前令下

教諭孟宗孔

崇禎十年城陷死節奉

吉卹贈國子監助教祀名宦鄉賢祠給一子衣巾

言今所稱名宦蓋甚重矣事从論定斯表于世而

特祀焉故惟功垂社稷澤被生民者流景耀于無

窮漢邑名宦皆有功德于邑者並列祀典則先後

輝與俎豆生光矣是在當事者之闡揚云

漢陰縣志卷之五

人物

夫人才關乎氣運地靈人傑自昔言之故山有芝
蘭而草木芳洲有珠璣而鱗介媚地有賢哲而人
類庶邑中岡巒列秀脉連太乙終南又漢水發源
嶙峋山下濛翹曲折極三千里注瀉之勢朝宗于
海語地則稱靈已土產其間濟濡道化追踪宗子
之人文共濟

與朝之事業斌斌蔚起霞變雲蒸斯無負

漢陰縣志

卷之五

八

國家鄉舉里選之法矣致往古及近代其姓名處例

得脩錄以示後

鄉賢周文

人云詳其姓名以其生于周故稱爲周文

事子貢南選于楚過漢陰遇灌田告以桔槔丈人
嫌其多机事見莊子南華外篇今城東北有灌臺
相傳至今其遺南北朝李遷哲先世爲山西豪族
跡也入鄉賢祠南本鄉部出撫馭群下其得其情
周末時以其信著山南命同經畧遷哲遂平寇亂巴
濮之人相繼附授侍中直隋李襲志仕爲安康丞
蕭疏林士與立民編素三日學流離備不廢君臣
之禮固

性至孝每讀書有言孝者輒流涕高宗
知其名召封爲公奉儒歸養

不飲以富貴移所愛時人
稱之曰李孝儒出郡志
善詩文歷仕皆以清廉著聲
居家視侄如子宗族
婚喪鄉閭貧乏極力周之
人謂其有敬事後食之
忠顯親揚名之孝親睦族里
之盛德闔邑公舉入鄉賢祠

科目明齊倫 永樂庚子 李華 中鄉試 吳尚義 嘉靖 丙午

鄉試十二名家貧刻意向學切從梅
溪胡先生授春秋能得經義大吉
温訓 嘉靖丙午鄉試

四十八名任山東萊州府推官陞成都府同知續
補太原府同知陞戶部福建司員外誥贈父世雄

初贈四川成都同 王應泰 萬曆戊午鄉試四十八
知再贈戶部員外 名壬戌會試二百九十

九名由進士任寶坻知縣 周淑孔 天啟丁卯鄉
歷官至吏部稽勲司郎中 試十一名

國朝汪毓珍 性至孝真愛真敬凡日用起居務求悅親
處兄弟不私財物戊子拔貢考知縣職臨

漢陰縣志 卷之五 九

銓甲午中京鄉試二十一名解選徵庚子鄉試中
戊戌會試一百名詩文行世

墨行世 三秦子

貢明劉幹 衛輝府 李忠 鶴慶軍民 彭壽 長壽縣 具興

賈榮 江西武寧 黃義 忠州 趙進 北城兵馬

李鳳 漳州府 楊春 長垣 胡興 冠 牟貴 冠 薛圭 晉府興

趙德 嘉定州 盧澹 鄒縣 宋壘 貴州長官 朱鑄 夔州府

劉煥 廣安州 畢整 鄭儒 張韶 李瓊 荏平縣

劉雄 巴縣 楊榮 隆州 盧明 巴縣 張讚 鄖陽府 劉善

伊府 朱靖 溫縣 杜景 成化 王輝 弘治 蕭茂 弘治

劉瑄弘治年貢王綸林縣知縣蕭鳳岐貴州長官鄒魁建昌衛

吳彬四川石泉縣訓導門顯輝縣丞侯佐棋縣教諭馮璉弘治年貢

任景賜弘治年貢常佐蒙城縣訓導楊錦饒陽縣訓導劉緒正德年貢

王經義隴縣訓導吳瑄武縣主簿天性直介居鄉

吳瑛正德年貢任文臣山西潞州河南裕州吏目景賜子余傑昭化縣主簿

陳鶴永寧縣丞陞延津知縣公六歲即通文藝有

居鄉亦然王相嘉靖年貢郭文新城知縣調任劉大邦高平縣丞

駱永聰解州判官陞沁州同知蜀府審理公少穎

四人皆訓成黃銘齊河主簿胡伯垣解州訓導陞沁源

遠邇敬愛之

漢陰縣志 卷之五

教伍元四川長寧知縣干珪高平縣主簿鄭慶嘉靖年貢魏厚完縣訓導

彭汝約曲沃訓導王易漸新津訓導張基嘉靖年貢白珠雲南麗江府經歷

王大賓漢州判官蒞官清苦居鄉于志崑鄆陵縣主簿

溫世鳳蒼溪主簿高宗仁裕州吏目駱道貴州銅仁府劉萬

榮威州訓導劉珏任雲南中衛知事陞山西榮河知縣

人所難及者鄉王日諫昌黎縣訓導陞王宗元博

黨咸推重之

縣訓劉寵含山縣訓導胡從夏巴州訓導公少穎異負

道洞悉春秋古與仕為學博士郭日珏內江訓導

翁然宗之鄉飲大賓問黨敬服

論涇州學正博學能趙鶴東鄉訓導陞蕭府教授

詩有效聲集傳於邑

貧乏者捐貲賑之蒼顏懷赤子之
心清議爾金玉之品鄉飲正實
溫誥 魏縣丞世

白尙賓 隆慶年貢
白棠 汝州訓導陸
劉仕信 隆慶年貢
任邦

趙城訓導陸 駱達 萬曆年貢
王大治 長子縣

解應科 芮城訓導陸 韓城 鄆誥 開州同知
楊汝舟

階州訓導陸 綏德州學正 秦府教授 訓宗室 啟親

王以禮 法自持 致仕 鄉飲 正實 壽八十六歲卒

周士相 山西壽陽訓導 殷琛 乾州訓導 陸澄 城教

王用恩 直隸豐潤 郭用善 晉州訓導 孫自 王養民

選貢 崑山縣丞 陸湖 郭一鳴 授直隸香河縣 張雲

廣禮陵知縣 大實孫 郭一鳴 訓導 親老未仕 任 補 金華

鴻州學正 蕭州教授 致仕 鄉飲 正實 任 補 金華

漢陰縣志 卷之五 士

府經 梁達材 萬曆年貢 程大治 思貢 四川江 張四端 南

汲縣訓導 補 葛應鳳 河南陽武縣訓導 任 養性 萬

北直東明縣 年貢 李如栢 萬曆年貢 劉東浩 萬曆年貢 曾士弘 江西吉水

學孫 階州 藍志臯 萬曆年貢 茹上珍 萬曆年貢 廖從化 任 浙江仙

殷逢世 選貢 湖廣景陵縣丞 陸 四川慶符縣知縣

蹟見文安 陳光啓 選貢 河南光州州判 陸 彰德衛

去思碑 杜璜 山西絳縣訓導 陸 縱南縣教諭 劉登名 天啟

王位 天啟年貢 考授 縣丞 以子 陳懋 鄉 崇禎 郭之

禧 選貢 考授 縣丞 張四目 考授 解三表 四川劍州訓

著鄉閭門

多文士

鄢堯岳

崇禎年貢誥子

藍旒

崇禎年貢

楊立程

崇禎年貢

王懷民

崇禎年貢

魏希徵

崇禎年貢

王弘緒

崇禎年貢

聲鄉著

國朝劉有瑜

順治二年

胡開先

順治二年

王身

順治二年

拔貢

永年

王身

脩順治二年

劉瑞星

初任涇陽

訓導

寧遠

梁州俊

知縣

梁州俊

梁州俊

任閩鄉

溫永禧

思貢

考授

知縣

未仕

王之禎

初任

臨潼

訓導後

曾可行

西安府

教諭

致仕

歸里

居心

誠朴

誠朴

鄭聖時

甲午拔貢

厚重

睿學

平易

近人

鄉評

推重

推重

何源

順治年貢

張星瑞

順治年貢

王世泰

康熙

恩貢

劉瑞雲

康熙年貢

謹厚

處訓

義方

任之奇

紫陽籍

任

曾冠賢

康熙年貢

溫柔

漢陰縣志

卷之五

十三

敦厚士

李啓瑞

考授

訓導

常永耀

考授

訓導

于典

壬子拔貢

考授

縣丞

茹大粹

康熙年貢

汪澤延

顯宗孫

尹任

考授

訓導

劉新德

考授

訓導

負性

王鳳朝

乙丑拔貢

弘緒子

曾慶堯

曾慶堯

考授

訓導

曾大成

考授

訓導

例監明王寵

正德

任學

嘉靖

沈從儒

嘉靖

郭日桂

郭日桂

劉濤

伍雲鳳

嘉靖元

郭洋

鴻臚寺

序班

陸四

陸四

陸四

劉希會

郭一聰

萊州府

經歷

侯國鄉

侯一

侯一

侯一

侯一

心藍作青

王應鼎

于瑤

荊州府

存民

侯一

侯一

侯一

侯一

武明馬致遠

癸酉

藍文蔚

湖廣軍門

茹綸光

督標

遊擊

遊擊

遊擊

范樞秦 總督宣大軍 門標都司

孝明黨汝孝

同父黨進朝早出刈麥父為虎噬汝孝奮力奪父于虎口虎蹲視大吼有復噬

勢汝孝愈奮以石擊之虎遁去負父歸治噬痕關三月無恙邑人胡伯損為之傳曰汝孝可謂不愧

其名矣大書虎口 劉夢龍 朱河公之冢嗣賦性純全父四字贈之 孝父病龍寢不解衣親

嘗湯藥父卒哀毀幾傷生以禮葬結廬墓側歷三年值寒暑無少變更事聞上司皆給扁以旌之

揚登 蕭溪人有孝行二親有疾乃禱太山神前許病痊登遂蓋費修橋以濟行人漢中太守項公二

守李公過此橋深嘉其孝題其橋曰保親橋各贈以詩歌見茶園

溝口碑記中 葛希曰 丁丑城 汪毓瑾 城陷 負母

義明藍盛

輕財好施正德四年大稔盛捐粟百石煮漢陰縣志 卷之五 三

漢陰縣志

三

壽九十 郭濟 業農積善萬曆十一年延安飢民流九卒 離入漢道路相望濟白于縣出穀一

百五十石方臘時民就濟家頌谷濟視糶腹惻然作粥令飽復出谷二十石詣與安事聞上司給冠

帶榮 李棟材 天性醇篤好施與邑東紅崖下河值之 水長漲人病涉材捐貲造橋太守項

公題曰善人橋更為作記勒 侯進孝 萬曆十三年石當路旌其門曰一鄉善士 重修邑誌孝

捐金梓之考其素行輕財好義施棺百副助葬輸粟百石賑飢又建東西橋架鄉評推重本縣申請

冠帶 任道克 事親克敦孝道教子曲盡義方清議旌獎 推重本縣李公核其實跡申請旌表

云齒德兼隆 吳自強 曾遊饗序守義其貧萬曆三宜敦請鄉賓 十四年七月十七日暮夜拾

金拾兩秘不語人次日有稅頭徐登第曰失金自盜將展強得其實即以金還之本縣李公嘉其行

申請詳 萬曆四十五年七月

字花 萬曆四十五年七月

六日入原公祠陪... 一... 汪顯宗 好善喜施每歲

朝尹樂舜

謹慎居心義方訓子而梓情尤厚邑有婚

也年過古稀公舉紳官邑令湯公昔表其
門曰齒德咸尊厥後當事者屢如旌獎 梁國彥
曰康熙五年 均增墾荒縣東北隅有寺基金科以
稅該貳拾金僧甚苦之地有古柏一根四株縱橫
氣象儼若兄翁此安賜古齋木也 至楊前大
稅 老未有知夜夢見弟四人
呼上速救我老驚悟曰此里夢也 遊東郭
望見柘下叢集十數人各持一書老曰慎無
夢中所見四人請訊伐故僧以 約納于公塲
伐予願捐金留柘歸出市宅三 約納于公塲

漢陰縣志

卷之五

古

呼此不忍于柘彼何忍于民耶嗚呼
耆老且知好義士君子可無名行耶

鄉飲賓介明楊廷臣

解濟

常自省

幼好學萬曆年曾白衣應

試歸里課耕忠厚傳家和平處世 陳光煥

溫以果

鄭康喬

聖時

于文選

能詩文典祖

溫永昇

楊

訊

品高

梁國彥

即救柘義老當事

劉有鼎

張

敵

梁

璽

情深手足

王應和

孟思賢

陳懋科

茹可魁

壽九十

李成龍

李人龍

楊毓元

孟養氣

解三榮

李自新

王德德

鄒

燧

沈自通

夏維

善人

張四配

王氏 業儒胡文煇妻煇卒氏年二十歲枕尸泣血

禮明晨服始嫁衣密縫于身縊于柩旁本縣詳由

撫批志烈殉夫身能死節實秉乾坤淑氣永流漢

汜芳聲 按批鷄鳴下警鸞鏡偶分泉石可隨心

已堅于同穴藐孤有託志遂決于自縊珠沉轉見

其先綸褒庶傳其烈坊 陳氏 廩生藍敏妻敏卒氏年

萬曆年勅建貞烈坊 陳氏 二十四歲杜門勵志守

節教子三十餘年西子俱入序序宗族鄉党 李氏

俱推重焉本縣詳申旌其門曰節潔水霜 李氏

義官劉大論妻論卒氏年二十七歲貧甘藜藿苦

勵孤闈守節四十餘年本縣詳請給扁以旌其門

趙氏 義民藍煇妻矢志守節教子 高氏 生員任宗

苦節和熊勵子旌 尹氏 貢士茹上珍妻珍卒遺子

其門曰雁婦麟嗣 茹氏 茹誠方七歲氏痛夫苦守

教子成名院道旌其門曰茹藥至丁丑 蔡氏 義民

城陷賊拉媳去氏挽之不得自刎死 陳光

漢陰縣志 卷之五 夫

耀妻幼年霜苦守節教子 經歷陳光啓妻王氏 而

國典成名旌曰矢志栢舟 郭氏 廩生楊天培妻城

有色丁丑城陷 郭氏 陷被刃於東門外 鄭氏 直妻

城陷抱女 投井死

國朝鄭氏 生員藍毓妻夫與嫡妻城陷被害氏負嫡遺

出挑野菜自充勤織紡教子得入黌序 趙氏 廩生

苦節四十餘年本縣旌曰水節霜操 趙氏 廩生

警妻警卒遺子建春方五歲氏志堅金石以守孤

兒氣時值擾攘有欲乘亂遁者卒不能犯且治家

有法僮僕田舍皆能保全 張氏 夫曾述志故氏年

及子遊洋旌曰栢舟比節 張氏 二十八守子教習

儒業本縣旌曰胡氏 廩生陳國典妻與卒氏年二十

日水節可風 胡氏 九歲子陳鑑年方十歲氏苦守

撫養教子成名 溫氏 業儒郭祿遠身遠年無子撫

性曰誓志無他 溫氏 任守節旌曰貞操可風

汪氏 夏之相妻相卒年二十五歲如伯母老而在堂養生送死俱賴焉

仙釋張伯端 字平叔別號紫陽道人修真于漢江南

年後超昇去悟真篇即其遺書也正德八年分此地為紫陽縣今有遺址石臺高丈餘四面平坦五六尺許上有團標形跡羽士呂巖 字洞賓別號純

鍾太鸞募工闢鑿如前所云 呂巖 陽道播鼓臺聽黃龍機禪師說法師知其仙也詰曰座下何人答

曰雲水道人師曰雲盡水乾時何如洞賓不能答師復語曰黃龍出現洞賓留有一言云棄却瓢囊擊

碎琴如今不戀水中金自說一見青龍後始悔從前錯用心

雲門偃禪師 參禪於雲門山寺作有北出傳燈錄 却行一篇傳于世狀元焦

竝收入 類林中

朝蓮花寺僧寂蓮 童年好禪冬夏赤脚遊無晝夜卧無藩籬關荒自食不喜募緣康熙

江陰縣志 卷之五 七

二十五年積柴堆壘高一丈八尺與徒眾約言于次年二月二日燃柴化形至期果逍遙赴坐柴頂導火自焚觀者于火焰中見五色光芒時年四十五歲先時僧云吾化後夜半有鼓聲將曉有微雨後悉如所言方人修以僧龕志之曰赤脚禪師

漢陰縣志卷之六

藝文

夫驚塵逝電之迹莫能留也託之篇章者後世猶將考信焉漢陰彈丸小邑僻處山隅而文獻幸有可徵今摭拾故老傳聞并搜剔斷碑殘簡得詩文若干附載於後庶幾存什一于千百俾夫巡行者備觀風之採游涉者興吊古之思云爾

詩 登安陽城樓

唐孟浩然

縣城南面漢江流江嶂開成南雍州才子乘春來

漢陰縣志

卷之六

六

騁望群公暇日坐銷憂樓臺曉映青山郭羅綺晴嬌綠水洲向夕波搖明月動更疑神女弄珠遊

過昭烈廟

明何景明

提學副使

漂泊依劉計間關入蜀身中原無社稷亂世有君臣峽路元通楚岷江不向秦空山一祠宇寂寞翠華春

雙乳山

陳

棊

刑部郎中

山頭原是望夫身乳化雙峯狀亦真赤子方今饑渴甚願流百道哺吾民

漢陰感抱甕漫成

傅振商廵茶御史

抱甕羞機事
樸心托古瓦
桔槔溘深機
善抱不輕
洽誰知衆任
機孤甕名可
假借入自巧
出白馬寧
非馬卽如所
抱甕元氣能
陶冶天地出
入機渾沌
全傾馮無機
世網繫迂祭
洽荒野正用
足網維眞
齋奇含雅我
欲扣兀關誰
是忘機者

霧中望鳳凰山

無人抱甕水潺湲
吟漱猶教機事閒
數載遊僊僦
有興夢中行
盡鳳凰山

漢陰縣志

卷之六

九

月河觀運水筒車

陳 棊

筒車之制用竹二丈四尺者二十四根中橫木軸以竹爲輻分軸兩肩穿入而交其末爲輪狀每二竹末縛一竹筒每筒後加以竹芭乃豎木安此車於引水急流渠上下邊挿入水面水激竹芭則車自轉動車上邊筒傍高架木槽接水入田間每一車灌田一頃不煩人力可奪天巧此制不見於他而見於漢陰其子貢之遺智耶使史人見之尤必忿然而去也因書一絕桔槔尤用人施力賢者已

防機巧多拘甕丈人若見此今時比昔更如何

遊三清觀

張大綸

策馬登登日欲斜萬山深處隱仙家柴門自有雲
來鎖流水從他泛落花

宿觀音堂

山窈深中方外家柴門靜掩閱年華數椽茅屋雲
常護一曲清溪石半遮風過花香飄丈室龍來雨
脚遍天涯止留宿信何妨久最喜恩波及黍麻

雲門瑞蓮

漢陰縣志

卷之六

二十

雲門無種產嘉蓮過客爭誇分外鮮祥瑞偶生香
散遠太華清致盛如前朱顏猶醉凌波美翠葉呈
姿捧月娟想是休徵應有兆明時好景樂豐年

琴堂產靈芝

聖主仁慈配彼蒼靈芝特產縣中堂包含和氣非
凡卉蟠結文章異衆芳功比丹砂能辟穀名齊麟
鳳表禎祥小臣職在承流末願沛皇恩到下方

雲門漫興

樂日平沙暮色連郵亭坐久興依然臘前共喜占

三自任後傳驚又一年
西面好日九月水清
水帶寒煙明時未有涓涘報空象當年卓魯賢

鳳嶺堆螺

不向岐山引頸鳴却於漢邑作山名九苞燦爛春
花放五色光華曉日升天為舜文呈聖瑞世隆熙
皞屬文明公堂掩映清無限相對令人逸與生

月河環帶

一灣流水曉涵天景物無邊清望前抱綠遶原還
屈曲拖藍過縣每潺湲萬年沮洳流膏澤九夏清

漢陰縣志 卷之六

三

其潤稻田兩岸柳陰通里巷不妨夜棹剡溪船

雙乳奇峯

亂雲堆裏擁雙峯相峙纍纍與乳同紅入錦屏花
簇簇青歸煙嶂草叢叢萬年特露生成意百姓寧
知鞠育功盛世忝司民社寄慙無仁政亮天工

遊乘鶴觀

邑庠 蔡鳳

正坐茅齋欲寫懷偶尋仙觀步崖鬼黃冠道士能
禮留我青精飯一杯

書院樓臺

邑庠 鄭氣揚 聖時

奇雲無數繞長空
信有蒼龍傍遠公路
隔紅塵人不到
白猿天際滅秋風

宿雙乳

張光字都司

鄉夢驚回遠寺鐘
曉星三五漢江東
角聲吹落山頭月
酒力衝開陌上風
長劍定知曾賊破
捷書先爲故人通
况今聖主真湯武
正許元戎策上功

謝兵後重過鳳凰山

李崑

亂雲交處碧峰嶸
曾記南征此處營
石磴虬蟠天際迥
鐵衣魚貫日邊明
頗慙橫槩非能事
却信忘

漢陰縣志

卷之六

三

機是故情此日重
經生感慨夕陽飛
鳳綠蕪平

朝陽古洞

章平蜀遂寧人

誰將茅屋架虛空
便與塵凡迥不同
一枕清風流水上
數聲啼鳥半天中

書雙乳舖

無名氏

五載方回萬里身
豈知蕉夢亦非真
山中得去且歸去
林下無人今有人

朝

漢陰憶熊鍾陵太史

巡茶 姜圖南

楚水秦山圻漢陽晴川歷歷惱人腸爽風欲逐江
濤去黃鶴樓前話短長

將巡河西夜宿漢陰有感

斷壁頽垣月在山可憐人去玉門關封侯爲憶班
司馬月自清和山自閑

朝陽古洞

宣府湯應武

誰將瓊屑砌高岡萬丈依稀剪繡裳竹葉臨風迎
日曉松花隱霧接天光江山競麗知春暖鳥雀爭
喧覺晝長讀罷卷阿思鳳德梧桐生處是朝陽

漢陰縣志

卷之六

三

湯邑侯去思吟

魏希徵

聞說循良重如公始不群清風光霽月紅日照浮
雲河谷鳴鷄犬荒城孰耜耘只緣

湯邑侯去思吟

朝陽洞

趙際昌

丁憂如何歲在酉更有樓臺深湖自落嵐遠矚長
留仙境虹橋峻禪關鹿洲幽爲尋高士跡逢擬求

丹丘

仙懷

曾可一

春雨濛濛草滿除春風吾日愛吾廬高情喜頌間
居德老眼能抄種樹書金馬昔年貧曼倩文園今
日病相如焚香燕坐心如許一任門多長者車

城隅清玩

劉瑞星

何處煙蘿引與長青郊一曲水雲鄉密將平楚藏
嬌語漫縮疎籬透曉妝萬點蒼巖生睥睨一林好
月下滄浪天然物色饒堪賞沂水歌殘蒲袂香

乘鶴觀

一自丹成騎鶴去春風瑤草不知年舊時宮殿皆

漢陰縣志

卷之六

二十六

塵土惟有孤松生暮煙

作令難

豫章陳翰廷

戈馬中間作令難謀民何事可從寬不知誰做催
官檄不及窮簷飢與寒

鳳山疊翠

三韓趙世震

萬疊青山以鳳名高低碧樹翠煙清一天積靄來
深谷幾處飛泉掛石磴縷縷白雲峰畔卧時時翠
霧嶺頭生小亭喜對南山結待仰光輝起曠情

岐亭山詩

山深寂寂煙爐少
古跡千崑萬壑列仙踪
空將石鼓敲明月
永設高臺聚晚風
當日僊人留異景
至今遺跡伴雲峰

乳峯雙峙

崔嵬金峙兩峯奇
一水中分寄所思
滴滴露珠哺
手燕盈盈翠黛巖
春眉雲封未許招人隱
月冷猶疑憶母慈
誰謂高岡能壽世
空留雙乳泣嬰兒

鶴觀碁枰

萬山煙霧碧盈盈
幾處奇觀雲外生
枰設峰頭迤

月色碁敲松下聽
溪聲臨泉對着忘
愁思倚石聯吟樂
性情仙景飄然何處去
今朝野鶴守空枰

丹壁孤懸

偶步平堤望遠松
回看日色映丹崖
從溪中春水應無碧
巖外桃花未覺紅
四野卿雲遮赤壁
一輪明月照孤峰
青山一帶多奇景
惟有丹崖色倍濃

月水環珠

抱城曲曲向東流
激灑珠璣一色秋
幾斛夜光傾水部
后輪水鑑入芳洲
奇峰列笏透霄碧
翠帶

環到枕幽厓盡寒暄機不息須知天地亦浮漚
隱士高踪

從來高士畏芳名寂處深山任自行
隨地栽花藏素志倚欄疎月隱幽情
推窓但見煙雲渺就榻猶聞鳥雀聲
雖是丈人成古士至今遺跡見生平

送白廣文之樂城送考

桃花浪暖暫分襟願袖襟英半入吟
携得詩瓢香滿座敲殘松韻碧千尋
猿因客到晨啼月鶴爲君行夜聽琴
匹馬觀成多逸致江山魚鳥盡知音

鳳山登翠

蘭亭陳典

凭闌鳳翥燦朝輝極目山光統翠微
碧嶂逢分青黛合銀濤長共白雲飛
驚殘古柏迎風瘦剪就輕螺帶雨肥
半榻漫嫌官舍冷開軒晝未坐忘機

丹壁孤懸

飛來赤壁是何年點點朱霞返照邊
獨立豈知新歲月高騫不改舊山川
白雲懶向峰頭卧紅日懶宜洞口還
孤學無心千古峙滄桑幾變尚巍然

漢署坐月

吟餘又見月光浮雲卧茅齋靜不流一樹梅花同
夢冷飛來香雪上簾鉤

題在孔瀾山房

萬壑寒濤一徑斜秋雲幾片逐飛霞先生種得淵
明菊晝掩柴扉數落花

鳳山登翠

白爾珍

層巖蒼翠聳千尋幾度青鸞入夢深風裏八音鳴
石澗谷中群鳥舞松峯日懸碧岫桐華盛露滴崇
岡竹實陰綠滿天南誰極目吹簫羽客最關心

漢陰縣志

卷之六

七

乳峯雙峙

叱馭人懷保赤誠雙峯道上若爲明霧蒸石髓膏
常潤露接金莖氣共清天地資生原有象兒童躑
躑亦知名看來帶水襟河意不是朝雲暮雨情

卧龍盤護

彈丸阿護自年年數里平岡百雉堅恰似飛蛟蟠
雨後殊勝蹲虎嘯風前珠明不借山光暗日照還
看頭角鮮偃息茅廬人卧月呼雲伴榻共盤旋

鼓臺仙跡

仙鼓撾殘苔籟清臺前花雨度
虎聲松濤冷灶寒
泉咽雪色迴
野鶴鳴風吼
猶疑留劍在雲飛
恍
值煮丹行山門相訪空敲月
却恨鈞天夢未成

朝陽古洞

王廷繡

紫氣何來映碧天
巍峩獨立曉風前
葵傾似欲披
金鑑笏列還思激玉泉
銷盡寒光辭晚照
得來紅日破蒼煙
攀緣莫作朱門比
也遣白雲洞口眠

卧龍盤護

關南形勢倩誰扶
此處龍盤鳳不孤
未向江天舒
漢陰縣志卷之六
天

健翮權從斗邑試
雄圖常呼風雨思
千里高擁雲
山作五湖一卧
北門增保障
非同老驥取長途

丹壁孤懸

西湖汪 齡

誰染丹崖障碧流
天然圖畫望中收
攀蘿欲試登
山屐鑿翠憑
窈窕待月樓
洞口煙霞橫古色
江頭雲
樹起航謳
幾樹勒馬層坡下
拾得清光豁倦眸

乳峰雙峙

突兀高峰自
迤邐豈將雙乳說
傾城眉橫曉黛
痴
無語鬢挽青螺
覺有情雨過淡妝
添翡翠月移清

影見輕盈要知時立經千古借問當年誰命名

鳳凰山

于文選

無邊山色靄重重繡綴天然淡與濃
小雨潤來金粟細野花香處碧雲封
屏開萬幘鋪新錦日斷千村隱暮鐘
幾度揮毫描不就空留鳳翥祭朝容

入漢陰界有感

張峻躋

石邑隱士

二十年前此地過顧瞻猶是舊山河
故人次第俱蟬脫獨對西風吊薜蘿

壬寅九月余山居構亭於鉄溪武進高衆偕來

漢陰縣志

卷之六

三九

訪時清秋氣爽拉余遊爲搜遺山得一岩甚
異人跡罕到故無名衆偕名焉屬予爲詩以

記之

汪毓珍

高子探竒踏石巔問山山老不知年
嗽奇古怪無人到偶來其上便成眠
細繡蒼苔爲錦褥何以蓋之上有天
城郭俯瞰如蟻垤倏忽脚下湧雲煙
翠屏疊嶂周帷外瑤草奇花遍榻前
人間何處可安枕此石甗垂穩怡然
壁立乾坤已以矣至今無得而稱焉
高子大呼山靈聽我將名再爲太懸

是夜夢一老吟一絕於庭曰千秋萬歲自忘年
此日逢君豈偶然寤而忘末二語一日忽躍然
曰錫我佳名全不謝分明踏破混沌天

挽友人鄭明輔

卽聖時

斯人誰信遽淪亡搔首呼蒼果渺茫賦烏未聞傳
誼舍記樓奚自上雲鄉鷄綿愧我乏高誼雉露何
人不斷腸寄語九原應慰甚桂蘭他日定焚黃

太懸岩和友人汪君千招隱韻

鄭聖時

蘇門長嘯響流泉曠代逸民寄野廬覆地幽篁新

漢陰縣志

卷之六

三

照月參天老樹久忘年揮毫紙上驚雲起觥酒籬
邊傍菊眠傾倒狂吟高士句價騰更貴洛陽錢

灌臺

尹任

廓外臺空徑就荒雨餘草色自芬芳當年假使憑
樺結千載誰傳抱甕鄉

登鳳山絕頂

層巒聳峙挿雲邊彷彿華山頂上蓮踏破芒鞋行
欲盡也應搔首問青天

鄭列女

鄭僑恭

正氣何誰賦吾門巾幗留名完夫可謝節重文同
丘鐵骨風難偃水心月其悠至今寒井下麟淚不
曾收

梁義老金叡四栢

常永耀

誰說斯民可賤輕無知老樹也貪生三千路隔群
嬰毋二十金留四弟兄入夢爲祈解網澤傾囊將
結歲寒盟惟期九棘三槐報鄉里長留高義名

過鳳山

于典

曲水層巒一徑通鳳山霞氣靄長空曉雲幾處峯
漢陰縣志卷之六

三

頭卧多少新苞映遠嵩

趙父師建留雲構軒

汪澤延

雲構名亭未是文尋思此意倩誰分開窓接送東
西日掃徑迎留遠近雲客醉春園花下語琴鳴夜
館月中聞從容屈指賢侯跡遺愛他年迥出群

送汪父母

作牧誰留去後思况逢此地更難爲三千戶口分
離日五十書生送別時邑小新傳風俗好官貧久
與世情宜可憐從此秦關去只見雲門道上碑

古蹟

枳棘縱橫古蹟迷教人何處不生悽
灌園臺廢人留甕結駟車過雨送犁
丹幃雲封僧自住青山僊去鳥空啼
闔城赤子多饑海雙乳生來面向西

夏孀婦

廿年夫棄又家貧黃鸞兒即白髮親
茹藥皆傳鄰里口承耳未許舅姑
嗔霜鬢不墜留天地水帶無塵泣
鬼神聞道

朝廷崇節義吾鄉巾幗肯沉淪

漢陰縣志

卷之六

三

溫太孺人水藻頌

曾聞水藻苦親見有傳人賦重田園
薄家成機杼新更憐烽火日不作亂
離身缺石心堪並霜操孰與倫

冬日宿離塵寺有感

溫上春

山色蒼茫帶落霞突然一望感彌奢
磴危扶杖寒僵手谷暗驚心顫鬪牙
幾處泉飛都似布千峯雪滿盡堆
化雲流瀑足噴名利即聽鯨音幾嘆嗟

遊龍山記

劉參

金碧時瞻終節懸峻嶒飛閣聳雲邊平臨松檜遲
三島低度鉢瀆落九天夕照影浮琪樹月澆風香
送大羅煙高丘浮井從殘蹟草色常承玉露鮮

吊節婦尹氏 仲姑

尹 伸

爲憐志節泪婆娑幾度挑燈著挽歌魂魄頓隨蝶
夢散空餘孤月照煙蘿

遊勝水寺

梁道倬

遍天危磴望彌奢徒步層登開土家爲愛幽香聊
寄足白雲深鎖澗邊花

文莊子南華外篇 子貢南遊于楚反于晉過漢陰
見一丈人方爲圃畦鑿隧而入井抱甕而出灌
搨搨然用力甚多而見功寡子貢曰有械于此一
日浸百畦用力甚寡而見功多夫子不欲乎爲圃
者仰而視之曰奈何曰鑿木爲機後重前輕挈水
若抽數如沃湯其名爲槲爲圃者忿然作色而咲
曰吾聞之吾師有機械者必有機事有機事者必有
機心機心存于胸中則純白不備純白不備則神
生不定神生不定者道之所不載也吾非不知盆
而不爲也子貢瞞然慚俯而不對有間爲圃者曰
子奚爲者耶曰孔丘之徒也子非夫博學以擬聖
於子以益衆獨絃哀歌以賣名聲于天下者乎汝
方將忘汝神氣墮汝形骸而庶幾乎而身之不能
治而何暇治天下乎子往矣無之吾事

重修縣志記

明張大綸

漢陰古縣也環縣皆山其面南鳳凰一山群峯突兀岡巒列峙屹凌雲漢間其下月河清流環抱支分岐別澗澗淙淙澗澗稻田東南通吳越荆楚西北連滇貴屬秦宋以前屬楚原隸梁州厥後屢遭兵燹戶口消耗明初隸陝西初惟二里其居民星散在萬山中石多土少刀耕火種兼獵獸以爲食勤儉質直頗有古風成化庚寅歲四方流逋蜂屯蟻聚巡撫督憲原公請於朝編籍入甄里者八其

漢陰縣志

卷之六

三

舊在版圖者今十存一二皆各省流民習尚不一兼無厚產或有差役或罹刑憲挈家輒徙澆僞雜處古風殆盡又况深山窮谷多潛強梁事每出于不測亦難治之劇邑也越甲辰歲值饑饉舊縣廳堂倉庫俱燬於回祿丙午歲孟夏大綸來官是邑正當圯壞之秋縣廳構竹爲椽覆以蓬篲卑淺狹隘甚失觀瞻至盛夏暑雨溽蒸官民病之遂取材于山增廣基址民歡然趨事其正庭經始於是歲之陽月落成於長日以間計者三弁幕廳吏房倉庫

及社學教塲幾三載以次漸備廳旣成高明爽愷
朴素渾堅足以改疇昔隘陋之觀凡迎止詔赦於
斯拜賀聖節於斯相處察察於斯臨民蒞政靡不
於斯蚤暮攸躋山光水色煙雲竹樹奇花幽鳥遠
近聞見於庭階之間亦一邑之偉觀也况值 聖
天子勵精圖治遐甄僻壤之民悉沾恩澤江山草
木皆有喜氣邑民出作入息耕食鑿飲熙熙然於
不識不知之天而吾堂適成予旣發其所以作堂
之由復效古人室成而歌之曰築室旣成面山臨
河如竹之苞如松之柯五穀蕃熟陰陽泰和群黎
樂業在在絃歌蚤暮攸躋獲福孔多

李公之碑

任、

碑以思名志也。人情有所感而思，則必托之物以志不忘，而思必以碑者，蓋不獨人思於心，又將存之目，存之目則其於心也固益固。碑之設，其感使然，亦茲所謂。碑者，前漢陰侯李公也。公天性方正，所大體其所建，豈必係風教關名節垂永賴者，則修之如新，務舉官表揚節義及墾草萊闢荒蕪之類。見之疏請中所稱述，不可殫紀。一切沾煦躡虞，事厥薄不爲，而獨留心民瘼也。邑最苦

漢陰縣志

卷之六

七

徭役民不恤，而營業以避征繕。公調停參酌，定爲畫一。上之當道，遂爲漢南一路倡。而邑人至今便之。諸逋負，流移者，各各歸鄉里，清占田以實編戶。而邑戶口歲增焉。公旣去，而士民益思公，不置謀相與尸視之。又伐石爲碑，鑿之道左，以永厥思。或謂之曰：公之功在爾身，爾死在爾子孫，惡用是碑爲哉！且碑有盡而思無已，以久存者而托之速壞，不亦惑乎！雖當聞之矣。昔牟叔子守襄陽，會立石于峴山之巔，後人有望而泣下者，正傳爲峴山

墮淚碑夫叔子去今幾百歲而墮淚之名猶垂不
私安知異日漢陰之石不與峴山碑爭烈也哉由
此言之碑亦不可已云公諱字號黃源中州杞縣
人登戊午科鄉薦筮仕青鄒已有遺思丁內艱後
補漢陰以萬曆庚寅歲至任凡四年而擢授成都
別駕去後四年而碑立焉

改修尊經閣敞一亭碑記 興安縣知縣布政使
漢陰學治 一亭原居明倫堂後基是矣第規模
稍未協矩頰年來又幾于傾頽尊經閣建自嘉靖
戊午居

文廟左旁稍次直抵儒學門內道從學門而入壁立
而峙義奚取而奚禪于文運閣建之後十數賢科
寥寥無人當事者無不扼腕痛心議修議改而經
費無從輒已其事寢久寢壞其圯狀不忍側目矣
丑冬邑侯張公來蒞此土甫下車卽惻然毅然亟

漢陰縣志

卷之六

三九

于改修于視事之初而土木尙未遑也迄今五載
輕徭薄稅公之撫治漢邑者誠切邑是有起色矣
旋爲之極力補缺建文昌宮起魁樓築河堤恢拓
四門橋創立八蜡祠次第舉行若無留難者繼
經閣于敞一亭後爲臺千尺爲閣千丈與敞一亭
之相望疊翠聯珠其一切經制總裁一心晨夕靡
力經始于是年三月迄八月告厥成焉巍然煥然
其飛采流丹 插雲 尊經閣也闊亮靜深壁箴
輝映老敞一亭也想公之胸中預有 畫故事不

煩民不擾知制中程而功無難于上。語曰：不常
之舉黎民懼焉。及臻厥成天下晏如也。則今日之
修祠亭是已。漢庠得所瞻仰其敬以業經一以專
經弘謨高議稱雄宇內爲臣盡忠爲子盡孝俾經
常昭揭中天萬世如一日焉。是所以克副張公合
建之意吾固知漢庠後之愛閣也深于其棠遠矣
是爲記

善人橋者，橋在善人所造故遂以善人名橋也萬曆二年秋，余始入漢，過所謂蒲溪街者，見一夫作粥糜若干盂，以食僕人，竊怪之。既而至紅崖下道，逼仄不可行，又二里許，復遇斷橋不可渡，曰：默念曰：彼夫哉！彼夫哉！何不移作粥者，修此道與橋也。悵然而去。越明年，余有事于金州，復過此，則橋隆然起矣。道坦然平矣。驚問其自，人曰：此作粥之夫所成也。余曰：於戲！噫！嘻！世固有善人哉！俄而善人

拜余于道左，余下車答之，拜進而獎之，書一鄉善士四字，旌其門於戲。噫！嘻！世固有善人哉！善人家不甚裕而輕財好施，卽倒囊不吝也。今橋與路之所費，近百金，一旦捐而去之，如敝蕪然，此豈小丈夫計。黼黻營身家者所可同日語哉！善人不讀書，亦不聞道，其素行暗合于君子，類如此。傳曰：不踐迹，亦不入於室，信然矣。余曰：題其橋曰善人，且爲之記。善人姓陳氏，名棟材，豫章人，僑寓于蒲溪街，遂爲漢陰人。

邑侯張公以五年百務犁然振井然奉至關六
窾會者兩一曰舉靖祭以報神庥一曰建堤橋以
與民居夫邑故無八蚌廟公嘆曰靖祭起于伊者
氏先審一司審二農三郵表吸四貓虎五坊六水
庸七昆虫八先天而開美利後天而除戎毒惠農
植稼利賴無窮第失安則安所萃精誠修祈報以
保養元元乎尋卜地于河西遮關之口而定夫基
輦石築臺高三尺許圍四十五步上則庀材構廟

計四楹巍巍燿燿允足以棲神乞靈已顧稱殷禮
與恤水患亟急先是邑城西迫于河居常清流恬
波無念也時淫雨从集萬壑俱注洶湧湖澤浸割
地以橫掃民舍之受害者劇公蒿然深以何伯作
崇爲憂輒欲修堤屏害而陳事于台司成可之遂
募工興役鑿石爲條入砂及底乃砌深三四尺高
丈餘覆築以土寬可容甍二首注龍岡尾蟠城基
勢蛇蟠其水敢犯水怒雄濤碧乳孤止河亦不
得與堤爭地矣堤

建立順橋一座石橋一海河二
橋地望見戶小環繞夾左右掖若玉帶然故名其
橋曰玉帶河橋堤曰月河堤詎徒壯麗改觀抑嘗
保金湯于鞏固矣斯兩役也河工始于萬曆丙
孟冬至丁巳年季春完越戊午年夏舉廟工竣
孟秋末二工續成余覩而賀之曰舉蜡祭以報
庶修堤橋以奠民居公之爲民圖康靖者備矣
謂識機務中大窾會矣公諱啓蒙號義田北京
州人丁酉鄉進士沉毅善謀崇文而重禮寧原
廟堤云乎遂志諸石尙以補缺望于後之賢者

甲子夏余... 漢陰令履太行之艱涉黃河
之險度函谷越雲棧目擊... 腸耳聞鶴嘯不禁有
鳥飛不到人彼名率之嘆既而僕夫群相告曰漢
南將至矣余遂私喜以爲此時之荒煙蔓草忽而
爲轂擊肩摩矣今日之茅店鷄聲轉盼爲琴堂鶴
步矣及之任仰觀破頽者僅存十餘間晝則跼蹐
而居夜則懸榻以卧何異途遇之荒煙茅店始嘆
前言爲夢境耳遂解囊鳩工克其舊址葺大堂二

漢陰縣志

卷之六

四

堂創三堂改頭門底三尺許東構卧月齋爲賓朋
譚讌地西築雲構軒憇予公餘讀史所廊箭道百
武建南北二亭爲演武托足計此外爲菜園爲馬
廠隔以重門司踰者非白余不開四圍設垣里許
內外始判然矣計以木大小千餘約以磚瓦三萬
零草代瓦者六十餘間積工二千捐資五百人皆
食于余而勞于彼故樂爲之以爲然由是官舍半
成... 可取觀後之視今亦猶今也

視昔何...

...

...

命承乏漢陰夏六月方抵任
也忽見寥寥父老拜余馬首曰此邑治也舉日縱
觀一望蕭條如同瓦礫問以城垣僉指其處云造
藩變亂兵燹之餘繼以霪雨此地土鬆水濕間以
砂石易於崩頽兼之邇年荒歉俗敝民貧未遑修
築余不禁喟然長嘆慨想邑無城垣不惟民失憑
依即錢穀兵刑將何從利賴乎亟謀以起築之無

漢陰縣志

卷之六

聖

何一無就緒學宮草莽教化無由宣徭宇荆秦政
令無由布田野荒蕪民命無由甦持籌整理徹骨
焦勞偶於簿書之暇恍然有得因思欲舉廢墮須
阜民財欲阜民財須闢田土于是招撫流移省給
牛種三年之內民免溝壑邑有規模先與之豁荒
糧免輓運剔雜派民生遂矣次與之講鐸書課文
藝息爭風俗類淳矣再
書
修黌宮設義學輯

聖天子

各憲加意民瘼激揚吏治分稍展職業獲免隕戔
敢不益加鼓勵獨是城垣功浩力有未勝軍民野
處虎豹克斥于心寔有未安欲請捐告助無由欲
申請動支無項未固金湯憂思成疾念家大人爲
國推慈深悉荒殘狀傾囊遠界余得陸續捐資壹千
陸百餘兩捐米肆百伍拾餘石鳩工運石始于丙
寅之春孟匝歲告成自此民生漸集煙火漸繁余
心滋喜因附于志此豈炫一時耳目哉余念成功
不易時事滄桑欲使後之君子鑒余苦衷仍加修
葺繭絲是戒保障永奠云爾

漢陰縣志

卷之六

哭

